



# Grad koji spaja.

KOALICIJA TROJKA



**NAŠA  
STRANKA**

# KLJUČNI FAKTORI RAZVOJA GRADA MOSTARA (6T)

## **TALENAT/LJUDI**

*Lokalna politika je dužna kreirati ambijent u kojem ljudi žele ostati, živjeti, raditi, te razvijati i realizirati svoje talent*

## **TRADICIJA**

*Naše zajedničko bogatstvo, a ne predmet podjela*

## **TOLERANCIJA**

*Prostori tolerancije se čuvaju i razvijaju sinergijom kao ključnim temeljom mira i dugoročne stabilnosti i razvoja.*

## **TEHNOLOGIJA**

*Inovacije u službi razvoja i rješavanja ključnih problema grada*

## **TURIZAM**

*Neograničeni razvojni potencijal i žrtva nepovoljne zakonske legislative*

## **TRANSPARENTNOST**

*Institut povjerenja u institucije vratiti proaktivnom transparentnošću javnih nabavki, zapošljavanja, te isplata javnih sredstava koja su vlasništvo svih građana.*

# 1. EKONOMIJA

**„ Mora se znati gdje je završila svaka marka uzeta od građana ili privrednika od trenutka kad je ušla u budžet do trenutka utroška. Po uzoru na evropske gradove svako trošenje našeg novca, sa obrazloženjem, biće dostupno na web stranici Grada.“**

## TRANSPARENTNOST I NULTA TOLERANCIJA PREMA KORUPCIJI

- Sav utrošak javnog novca mora biti detaljno prikazan i javno dostupan;
- Uvođenje sistema upravljanja u borbi protiv korupcije u javnoj upravi;
- Zalagat ćemo se za potpunu primjenu zakonskih odredaba koje definiraju da nijedno lice pravomoćno osuđeno za kriminal i teška krivična djela neće biti imenovano na bilo koju javnu poziciju, a protiv imenovanih koji su osuđeni za takva dijela poduzet će se sve radnje da budu smijenjeni;
- Sva lična primanja i naknade isplaćene javnim novcem moraju biti javno i transparentno prikazane;
- Provjera diploma uposlenika javne uprave kao i poduzeća kojima je Grad Mostar osnivač;
- Sva javna imovina mora biti transparentno dostupna javnosti sa jasnim pokazateljima o licima koje je koriste;
- Svaka prodaja, ustupanje i iznajmljivanje javne imovine mora biti javno i transparentno prikazano i lako dostupno;
- Provjeriti valjanosti ugovora koncesija i izvršiti provjeru plaćanja obaveza Gradu Mostaru;
- Javni registar poslovnih prostora u vlasništvu Grada Mostara sa imenima zakupaca;
- Javne nabavke su nabavke javnim sredstvima, a njihova kontrola i transparentnost će biti naš prioritet;
- Dodjele javnih sredstava pravnim i fizičkim licima mogu se vršiti isključivo putem javnih poziva i uz jasne kriterije, uz izuzetak hitne jednokratne pomoći građanima koja se može vršiti bez javnog poziva, ali uz redovni mjesečni nadzor vijećničke komisije;
- Isključivo projektno i programsko financiranje udruženja građana i nevladinih organizacija;
- Povećanje efikasnosti i odgovornosti rada vijeća i komisija kroz izmjene pravilnika i odbijanje dijela paušala i naknada za svaki neopravdani nedolazak i svako neopravdano odsustvo sa glasanja;
- Puna suradnja gradonačelnika/ce sa Gradskim vijećem, redovna prisutnost na sjednicama, pravovremeno dostavljanje odgovora zastupnicima i potpuna realizacija usvojenih inicijativa;

- Redefiniranje uloge i unaprijeđenje kontakt-centra za građane, kako bi se obezbijedio relevantan odgovor građanima na prijavu korupcije i netransparentnosti;
- Vraćanje uloge mjesnih zajednica i osnaživanje mehanizma direktne demokratije, kroz redefiniranje uloge povjerenika mjesne zajednice. Mjesna zajednica mora biti prvi nivo demokratskog odlučivanja, gdje građani mogu ostvariti svoja prava i rješavati probleme. Mjesne zajednice će biti mjesta okupljanja i rješavanja potreba građana, kako bi se obezbijedila potpuna efektivnost i povezanost sa Gradskim vijećem i Upravom;
- Naši kandidati će, u okviru komisija, ali i nezavisno od tijela Gradskog vijeća, redovno izvještavati javnost o svim pojavama netransparentnosti i korupcije.

## **GRADSKA UPRAVA I JAVNA PODUZEĆA**

- Usvajanje novog Pravilnika o organizaciji i sistematizaciji radnih mjesta u Gradskoj upravi Grada Mostara i javnim poduzećima;
- Imenovanje stručnih i sposobnih rukovodilaca na istaknute pozicije putem javnog oglasa;
- Zaštita ustanova Grada Mostara i gradskih preduzeća od stranačke kontrole i upravljanja;
- Uređenje i ograničenje upotrebe beneficija koje koriste imenovani i izabrani dužnosnici i uposlenici, uključujući upotrebu službenih vozila i telefona, te ostalih troškova poput reprezentacije;
- Razvoj transparentne eksterne suradnje i poslovanja (*Eng. outsourcing*) u cilju umanjenja troškova administracije;
- Donošenje ključnih nedostajućih strateških dokumenata (strategija razvoja) i planova uz poštivanje i implementaciju postojećih u predviđenim rokovima uz osiguranje neophodnog budžetiranja;
- Insistirat ćemo na redovnim izvještajima o radu svakog rukovodioca u javnoj upravi i preduzećima kojima je grad osnivač, te provođenje mjera u skladu sa zakonom prema onim rukovodiocima koji ne izvršavaju svoje zadatke i obaveze;
- Puna implementacija preporuka revizorskih izvještaja;
- Efikasnije upravljanje izostancima sa posla zaposlenih u javnoj upravi kao i poduzećima kojima je grad osnivač;
- Korištenje mogućnosti EU fondova za financiranje razvojnih projekata putem osnivanja stručnog tima za izradu i provedbu takvih projekata.

## **DIGITALIZACIJA**

- Digitalizacija procedura i papirologije za građane i pravna lica;
- Uvezivanju baza podataka javnih institucija s ciljem smanjenja administrativnog opterećenja fizičkih i pravnih lica;
- Uvođenje softvera pomoću kojega bi građani mogli odabrati koje dokumente žele pribaviti, a isti će im biti dostavljeni na kućnu adresu ili mogu biti podignuti na za to predviđenoj lokaciji;

- Uvođenje web stranice za korisničku podršku, na kojoj bi bilo opisano koji su dokumenti potrebni za određenu svrhu. Ta web stranica bi automatski navodila korisnika do odabira papira koji su im potrebni. Uvesti i telefonsku korisničku službu za pomoć građanima oko papirologije;
- Digitalizacija izdavanja građevinskih i drugih dozvola;

**„Poticati ćemo obrt i preduzetništvo. Naše industrijske zone, digitalizirana javna uprava, olakšice i poticaji najbolji su poziv novim investitorima.“**

## **PRIVREDA I INOVACIJE**

- Poticanje obrta, starih zanata, mikro i malih poduzeća, start-up i novoosnovanih firma;
- Podrška ulaganju u malu poljoprivrednu proizvodnju;
- Uz transparentne i jasne kriterije izdavati neperspektivne poslovne prostore (koji nisu izdati već duže vrijeme) za simbolične sume novca mladim i start-up poduzetnicima;
- Racionaliziranje i ukidanje parafiskalnih nameta s ciljem rasterećenja privrede;
- Izgradnja mehanizama javnih poticaja, koji su zasnovani na strategijama razvoja;
- Ubrzan proces otvaranja firmi i otvaranje kancelarije za podršku;
- Pojačano ulaganje i razvoj industrijskih zona;
- Aktivan i progresivan pristup projektima javno-privatnog partnerstva;
- Osigurati bolje poslovne i društvene veze sa mostarskom i bosanskohercegovačkom dijasporom, olakšati im ulaganja u rodni grad te formiranje Odjela Gradske uprave koji bi imao funkciju odjela za investicije i dijasporu a koji bi imao zadatak da izradi bazu podataka mostarske i hercegovačke dijaspore, baze podataka njihovih aktivnosti, želja i potreba vezanih za Mostar i Bosnu i Hercegovinu..

## 2. INFRASTRUKTURA

„Izgradit ćemo **moderne prometnice** i parkinge, učiniti Mostar gradom **bez barijera za osobe sa invaliditetom**.“

### SAOBRAĆAJ

- Izraditi kratkoročni i dugoročni plan razvoja saobraćaja/prometa i saobraćajne/prometne infrastrukture;
- Rekonstrukcija svih dotrajalih saobraćajnica/prometnica i gradskih ulica;
- Dosljedna primjena postojećih standarda u kvalitetu pri izgradnji saobraćajne/prometne i druge infrastrukture;
- Redefinirati planove poslovanja „Aerodroma Mostar“ i usmjeriti ga ka tržišnom poslovanju, sa naglaskom na turističku ponudu;
- Izraditi plan rješenja uključivanja na magistralnu cestu M17, kao i druga mjesta niske preglednosti;
- Glavnu gradsku ulicu Maršala Tita urediti tako da bude otvorena za dvosmjerni saobraćaj, kako bi se omogućio nesmetan protok prema važnim zdravstvenim, upravnim, turističkim i drugim ustanovama i lokacijama u ovom dijelu grada, uz izgradnju podzemnih garaža;
- Zalagat ćemo se za izgradnju garaža i parkinga u blizini novoizgrađenih objekata za kolektivno stanovanje;
- Razvoj sistema rezidencijalnog parkinga: zagarantirani parking za svako domaćinstvo;
- Osigurat ćemo stručnu reviziju planiranih radova i koordinaciju u dinamici izvođenja velikih infrastrukturnih radova, kako bismo izbjegli probijanje rokova i otvaranje radova u vrijeme turističkih sezona;
- Efikasna izrada plana praćenjem gustoće saobraćaja u određenim vremenskim intervalima.

### INFRASTRUKTURA I MOSTAR BEZ BARIJERA

- Pokrenuti i okončati infrastrukturne projekte u gradu značajne za građane, kao što su: deponija komunalnog otpada, kolektori za pročišćavanje otpadnih voda, sportske dvorane, sportsko-rekreativni centar, kupalište Buna, itd. Za pojedine od ovih projekata postoje praktična i izvodiva realna rješenja;
- Proširenje postojeće vodovodne i kanalizacijske mreže na dijelove grada koji nisu pokriveni istom;
- Poseban naglasak na projekte uvođenja i poboljšanja javne rasvjete u svim dijelovima grada;
- U saradnji sa udruženjima osoba sa invaliditetom, uvesti rampe za kolica u svim javnim institucijama, a svi novoizgrađeni objekti moraju zadovoljavati sve

propise o pristupu osoba sa invaliditetom. Ukloniti sve arhitektonske barijere za osobe sa invaliditetom;

- Izgradnja sistema taktilnih traka za slijepo i slabovidne;
- Povećanje broja posebnih parking mjesta za osobe sa invaliditetom;
- Razvoj sistema video nadzora nad svim javnim objektima, igralištima parkovima, prometnim ulicama i raskrsnicama.

## **JAVNI PREVOZ**

- Unapređenje javnog prevoza sa posebnim osvrtom na rubna područja;
- Uvesti linije koji povezuju cijeli grad, bez presjedanja;
- Modernizacija voznog parka MO BUS-a sa posebnim osvrtom na osobe sa invaliditetom;
- Rekonstrukcija i modernizacija autobusnih stajališta uz postavljanje displeja sa informacijama o brojevima buseva i vremenu dolaska istih na to stajalište;
- Automati za autobusne i druge karte
- Povećati broj polazaka gradskih autobusa i uvesti noćne vožnje, posebno u toku turističke sezone.

## **URBANIZAM I GRAĐENJE**

**„Ukloniti ćemo ratne ruševine, spriječiti nelegalnu gradnju, obnoviti fasade i vratiti stari sjaj Mostaru.“**

- Hitna evaluaciju stanja i potreba javne infrastrukture i usklađivanje s potrebama razvoja grada kao urbane cjeline;
- Donošenje novih urbanističkih planova;
- Transparentno provođenje legalizacije bespravno sagrađenih objekata i zabrana divlje gradnje;
- Ukloniti objekte koji nisu predviđeni regulacijskim planovima;
- Uklanjanje panoa, reklamnih i drugih objekata koje utječu na promet ili preglednost prometa kao i one iz parkova, koji nemaju dozvolu za postavljanje;
- Iznalaženje trajno prihvatljive lokacije za deponiju komunalnog otpada;
- Zamjena svih azbestnih materijala u infrastrukturi, poput vodovodnih cijevi, fasada i krovova uz prethodnu objavu registra objekata koji sadrže azbest i firmi osposobljenih za uklanjanje i sigurnu pohranu ovog dokazano kancerogenog materijala;
- Kontrolirati primjenu urbanističko tehničkih uslova i težiti modernim tehničkim i urbanističkim rješenjima u obnovi i izradi fasada stambenih zgrada u gradu – izbjeci pojavu da set istih stambenih zgrada izgleda drukčije nakon obnove;

### 3. SOCIJALNA PITANJA

„Insistirati ćemo na potpuno **jednakom tretiranju svih građana Mostara** bez obzira na etničku, nacionalnu, rasnu, spolnu, vjersku ili stranačku pripadnost i opredjeljenje.“

#### TOLERANCIJA I LJUDSKA PRAVA

- Potpuno jednako tretiranje svih građana Mostara bez obzira na etničku, nacionalnu, rasnu, spolnu, vjersku ili stranačku pripadnost i opredjeljenje;
- Zaštita ljudskih prava predviđenih domaćim i međunarodnim pravnim aktima;
- Spolna i etnička izbalansiranost zaposlenika, članova komisija i upravljačkih organa u ustanovama i javnim poduzećima;
- Provoditi i promovirati politiku jednakih prava za osobe sa invaliditetom;

#### OBRAZOVANJE I MLADI

„*Obrazovanje je stup svakog društva i naša budućnost ovisi o kvaliteti obrazovanja u sadašnjosti*“.

- Dosljedno provođenje strategije za mlade;
- Podrška radu i projektima omladinskih udruženja;
- Stipendiranje učenika i studenata za izvrsne rezultate u oblasti obrazovanja;
- Povećanje iznosa finansijskih sredstava u budžetu namijenjenih za stipendiranje učenika i studenata deficitarnih perspektivnih zanimanja;
- Omogućavanje stipendiranja doktorskih studija u cilju stjecanja kompetentnih znanstvenih kadrova za deficitarna zanimanja;
- Kreditiranje učenika i studenata;
- Inicirati izgradnju čitaonica sa primjenom modernih tehnologija;
- Organiziranje besplatnih instruktivnih kurseva za polaganje prijemnih ispita na fakultetima;
- Opremanje školskih biblioteka;
- Podrška projektima za opremanje škola đačkim ormarićima;
- Izgradnja dvorane za tjelesni odgoj u svim školama koje ne posjeduju takav prostor;
- Sufinanciranje poboljšanja uvjeta školovanja (organiziranja produženog boravka, organiziranja školske užine sa nutritivno izbalansiranim obrokom, iniciranje angažiranja asistenata u nastavi u osnovnim školama za sve učenike s poteškoćama u razvoju, redovni sistemski pregledi za učenike i osoblje škola);
- Omogućiti učenicima sigurnost na putu do škole;
- Modernizacija naučno-nastavnih sredstava u osnovnim i srednjim školama u skladu sa modernim tehnologijama;



- Pratiti rad svih obrazovnih ustanova s ciljem podizanja nivoa znanja koje pružaju, inicirati razvoj naučno-istraživačkog rada;
- Depolitizacija predškolskog, osnovnog i srednjeg obrazovanje;
- Javna osuda primanja nekvalitetnog i nekompetentnog kadra u istim;
- Omogućavanje besplatnog praktičnog obrazovanja strukovnih srednjih škola, kao i visokoobrazovnih ustanova povezivanjem istih sa realnim sektorom;
- Osnivanje centra za razvoj poduzetništva mladih;
- Podrška programima stjecanja radnog iskustva uključujući programe volontiranja.

## **PODRŠKA GRAĐANIMA**

- Podrška djeci i mladima bez roditeljskog staranja;
- Podrška radu sigurne kuće i drugim organizacijama koje se bave prižanjem različitih socijalnih usluga u društvu;
- Podrška dnevnim centrima u svrhu zaštite prava djece;
- Donošenje i implementacija lokalnih akcionih planova za rješavanje problema Roma i drugih ugroženih skupina u oblastima zdravstvene zaštite, obrazovanja, zapošljavanja i stambenog zbrinjavanja i generalnog integriranja u društvo;
- Podrška i razvoj strategije za suzbijanje prosjačenja;
- Razvoj i jačanje programa socijalnog stanovanja;
- Izrada strateških analitičkih dokumenta i istraživanja s ciljem adekvatnog razvoja socijalnih politika;
- Podrška informatičke pismenosti i opremljenosti za školarce iz socijalno ugroženih porodica;
- Hitno rješavanje problema naših sugrađana za povratak u svoje domove kao i mogućnost otkupa stanova koja nemaju vlasnike a u vlasništvu su Grada.

## **VOJNE I CIVILNE ŽRTVE RATA**

- Programi zapošljavanja i podrške u samozapošljavanju boračke populacije;
- Profesionalna edukacija i prekvalifikacija RVI, boraca/branitelja i porodica poginulih boraca/branitelja;
- Financiranja liječenja, stambenog zbrinjavanja i zaštite socijalno ugroženih pripadnika ovih populacija.

## **ZDRAVO STARENJE**

- Razvoj mreže centara za zdravo starenje;
- Izgradnja Sistema palijativne skrbi i izgradnja hospicija;
- Podrška programima razvoja systemske podrške starim i iznemoglim osobama koje žive same i ne mogu se brinuti o sebi;

- Pojačana podrška društvenim, sportskim i drugim sadržajima za kvalitetniji život osobama treće životne dobi.

## **OSNAŽIVANJE I POMOĆ PORODICI**

*„Osnažimo najvažniju stvar u životu“.*

- Rekonstrukcija i obnova vrtića i povećanje smještajnih kapaciteta u cilju omasovljavanja pristupačnog i svima dostupnog uključivanja djece u vrtiće;
- Povećanje broja odgajateljica po broju djece u vrtićima u cilju bolje odgojne kvalitete;
- Financiranje asistenata u predškolskim ustanovama od strane grada;

## **ZDRAVLJE SVIH NAS**

*„Zdravlje nije sve, ali bez zdravlja, sve je ništa“*

- Pomoć domovima zdravlja i institucijama primarne zdravstvene zaštite;
- Izgradnja nove zgrade Doma zdravlja „Stari grad“ Mostar;
- Izmještanje Službe hitne medicinske pomoći Doma zdravlja „Stari grad“ sa postojeće lokacije;
- Poboljšanje rada i uslova primarne zdravstvene zaštite kako u urbanim, tako i u ruralnim dijelovima grada (uvođenje dvosmjenskog rada u ambulantama sa većim brojem pacijenata, uvođenje punkova Hitne pomoći u rubnim dijelovima grada);
- Jačanje specijalističkih ambulanti u primarnoj zdravstvenoj zaštiti;
- Zaštita mentalnog zdravlja građana, prevencija svih oblika ovisnosti, formiranje ambulante za oboljele od PTSP-a;
- Redovni izvještaji, transparentnost i otvorenost štaba Civilne zaštite.

## 4. EKOLOGIJA

„Globalno misli, lokalno djeluj i snosi ličnu odgovornost“.

### ČISTOĆA I DEPONIRANJE OTPADA

- Osigurati dovoljan broj kanti za svako domaćinstvo i kontejnera za razvrstavanje otpada;
- Progresivni programi reciklaže i otkupa otpada za građane;
- Puna uključenost u programe reciklaže od strane svih javnih institucija i ustanova;
- Reorganizacija odvoza otpada sa gradskih ulica;
- Formiranje ekspertnog tima stručnjaka i rješavanje problema deponije Ubork;
- Redovno uklanjanje divljih deponija i izrada Programa saniranja divljih deponija sa fokusom na iznalaženje rješenja za njihovo trajno uklanjanje.

### PARKOVI, ZELENE POVRŠINE I OČUVANJE ŠUMA

- Uređenje postojećih i izgradnja novih šetališta i parkova sa posebnim akcentom na pristup za djecu sa poteškoćama u razvoju i osobe sa invaliditetom;
- Zaštita i klasifikacija parkova i zelenih površina;
- Povećati broj zelenih površina u gradu;
- Uvesti redovito održavanje ulica i kvartova od strane nadležnih službi i građana;
- Izgradnja parkova za kućne ljubimce;
- Uređena, ograđena, održavana i sigurna izletišta;
- Pošumljavanje i zaštita šuma;
- Poticanje osnivanje dobrovoljnih vatrogasnih društava i nabavka opreme;
- Sistemsko rješavanje problema pasa lualica.

### ZAŠTITA VODA I SMANJENJE ONEČIŠĆENJA ZRAKA

- Provođenje radikalnih mjera s ciljem podizanja kvaliteta životne sredine, smanjenja onečišćenja zraka i sprečavanja drugih ekoloških rizika;
- Provoditi zakonsku regulativu o kontroli vode za piće;
- Dovršetak kolektora za pročišćavanje otpadnih voda i zaštita rijeke Neretve i njenih pritoka;
- Poribljavanje rijeke Neretve i njenih pritoka;
- Trajna zabrana izgradnje mini hidroelektrana;
- Čista, uređena i sigurna korita rijeka;
- Promoviranje ekološke svijesti kroz medije;
- Prilagođavanje prostornih planova ekološkim i drugim uslovima za ugodnu životnu sredinu u skladu s Agendom 2030.

## 5. SPORT, KULTURA I TURIZAM

*„Mostar kao grad bogate sportske i kulturne tradicije zaslužuje veća ulaganja u ove oblasti“.*

**„Da bi Mostar bio grad kakav želimo maksimalno ćemo podržati naše umjetnike, naučnike i sportiste. „**

### SPORT

- Kreiranje pravilnika Sportskog saveza Grada Mostara za pravedniju raspodjelu novca sportskim klubovima i udruženjima sa jasnim kriterijima. (masovnost, promicanje i popularizacija Grada Mostara, ostvareni rezultati);
- Obnova i izgradnja sportske infrastrukture (sportska dvorana, igrališta, poligoni, biciklističke staze, zatvoreni bazen, izletišta, sportsko-rekreacijski centar i kupališta Buna i Vrapčići);
- Školovanje i stipendiranje mladih i talentiranih sportaša;
- Educiranje perspektivnih trenera/stručnog kadra;
- Veća izdvajanja za razvoj amaterskog, omladinskog, školskog i rekreativnog sporta i sportske infrastrukture;
- Pomoći amaterskim klubovima kroz kupovinu sportskih rekvizita, terminima u sportskim i školskim salama, edukacionim radionicama;
- Nastavak razvoja i omasovljenja sporta kroz službe za obrazovanje, kulturu i sport u saradnji sa osnovnim školama, po sistemu liga takmičenja;
- Poticaji, edukacioni kursevi, radione za brojne sportove koji su "manje atraktivni" poput planinarenja, sportskog ribolova, šaha, biciklizma, kuglanja, itd.;
- Pomoć profesionalnim sportskim klubovima i sportašima koji predstavljaju i promoviraju grad;
- Razvoj mreže biciklističkih staza i postavljanje parkinga za bicikla;
- Edukacija o razvoju svijesti o koristi od povećanja korištenja bicikla kao prijevoznog sredstva.
- Zahtijevamo osiguravanje masovnog bavljenja sportom kroz plaćanje trenera našoj djeci, bez članarina za roditelje, samo ondje gdje je to opravdano i mora biti minimalno. Želimo dati potporu sportskim klubovima kroz plaćanje trenera, koji će javno stati iza svojih rezultata, a njih ćemo svi vidjeti u očima naše djece koja istrče na teren, skoče u vodu ili polete zrakom.

### KULTURA

- Olakšice i stimulacije investitorima i donatorima u projektima od javnog interesa: za sportske, kulturne, obrazovne i druge sadržaje;
- Djelovanje i podrška na izradu strateških dokumenata za razvoj kulture;
- Razvoj infrastrukture za pozorišnu/kazališnu djelatnost, uključujući projekte nevladinog i privatnog sektora;

- Korištenje zapuštenih gradskih prostora i njihovo pretvaranje u zone kulture, umjetnosti i omladine;
- Bolja iskorištenost objekata nekadašnjih domova kulture;
- Osnaživanje i oživljavanje folklornih grupa;
- Konačno povezivanje „Muzičke škole“ i „Glazbene škole“;
- Uređenje otvorenih prostora za predstavljanje muzičkih/glazbenih grupa, uz subvencioniranje takvih događaja na otvorenom (turistička ponuda);
- Izrada otvorenih pozornica i kina;
- Podrška razvoju amaterske umjetnosti;
- Rezidencijalni programi podrške samostalnih mladih umjetnika u cilju bogaćenja ponude na ulicama u turističkim jezgrama i u blizini turističkih atrakcija;
- Školovanje i stipendiranje mladih talenata iz svih oblasti koje kultura podrazumijeva (gluma, muzika, književnost, ples, balet ...).

## **TURIZAM**

### **„Hoćemo da sistemski upravljamo turizmom, a ne da nam se događa.“**

- Kreiranje kratkoročne i dugoročne strategije razvoja turizma;
- Veća ulaganja u promociju Mostara kao turističke destinacije;
- Potpora za sudjelovanje turističke zajednice, agencija i radnika na svjetskim sajmovima turizma;
- Potpora turističkim obrtima i pravnim licima;
- Financiranje radionica za obuku turističkih djelatnika;
- Popularizacija agroturizma i tradicionalne gastronomske ponude;
- Ulaganje u bolju zračnu povezanost Mostara;
- Područje Starog grada zahtjeva visok nivo upravljanja i razvoja ponude, sa posebnim naglaskom na plažu ispod Starog mosta;
- Potrebno je osigurati obuku mladih ljudi za službe spašavanja na mostarskim plažama;
- Oživljavanje mostarskih plaža, stvaranje novog sadržaja i potrebne infrastrukture.

## **HISTORIJSKA/POVIJESNA BAŠTINA**

- Jasne odredbe korištenja historijskog/povijesnog i prirodnog bogatstva;
- Jasno obilježiti kulturna, historijska/povijesna i prirodna bogatstva;
- Pokrenuti djelovanje na uvrštavanje na listu nacionalnih spomenika;
- Restauracija i očuvanje spomenika;
- Očuvanje kulturne baštine i nacionalnih spomenika;
- Hitno je potrebno obnoviti i sistemski održavati Partizansko spomen groblje te kreirati novi sadržaja unutar njega.